

## PITA TAKADA PLAADDEE

### *Yāpurakpana sisina kè Luda wa sisia*

<sup>1</sup> Ma Simo Pita, Yesu Kirisi zòbleri, à zìri, mámbe ma takada kè kě gbě kè wa Luda wa Mìsiri Yesu Kirisi n gbá zé aō a náanε kè lán wa bà a maakεε gāzĩnε. <sup>2</sup> Gběke kōn aafiao gō papanaawa Luda kōn wa Dii Yesuo dōna guu.

<sup>3</sup> Luda wa se wàgō kú a gakui kōn a maakεεo guume, à tò wá a dō, ben à ludakegbāaa wa gba pó kè kō sio wàgō vīi, ε wa kuuna e à ke sēnkpe kōn à yāo. <sup>4</sup> Len à yā bíta bèedee kè à à lé gbèweeno kèwe ε, ε à yānzi wà bo anduna dà zaaa kè è n yaka guu wà Luda kuuna taka sé. <sup>5</sup> Yā beee yānzi à aīa ke maamaa, à Luda náanε ke maakεna guu, à yā maa ke dōna guu, <sup>6</sup> àgō dōna vī a zīnda kūna guu, àgō a zīnda kūna dō mena guu, àgō mena vī nana Ludazi guu, <sup>7</sup> àgō nana Ludazi kōgběkeε guu, àgō gběkeε vī kōo yenzi guu. <sup>8</sup> Zaake tó á yā beeenō kūna, ben aōe kaara, égō kuu pā kaarana sairo wa Dii Yesu Kirisi dōna guu. <sup>9</sup> Gbě kè yā beeenō kūna sōro, à a wée kpàkōre, à gō vīa ūme. À sán kè Luda durun kè à kè yāanō kēare. <sup>10</sup> Beee yānzi ma gbēno, à aīa ke à yāpura kpá sisina kè Luda a sisi à a seεa. Tó ée yā beeenō keε, é fu zikiro. <sup>11</sup> Len weε gbāake kpáazi maamaa ε, égō kú kōn wa Dii wa Mìsiri Yesu Kirisio à kpata kè è yāaroo guu.

<sup>12</sup> Beee yānzi, baa kè á yā beeenō dō, bensō a kāsāpεena yāpuraa kè á kūna guu, mégō yā pino dōagume. <sup>13</sup> Gurō kè má kpé kú ma sò guu, mée daa

à maa màgõ té kaaagu yã pìno ðaguna yãnze. <sup>14</sup> Má dõ kè ma bõna ma sòn gurɔɔ é ká tia, lán wa Dii Yesu Kirisi gĩake à òme nà. <sup>15</sup> Mé aĩa ke, le yã pìno e àgõ ðagu gurɔ pìngi ma gaa gbɛra.

### *Kirisi gakui sèedadeeno*

<sup>16</sup> Kè wa wa Dii Yesu Kirisi suna kòn gbãaaò òare, wée té gara kè wà dà kòn ɔndɔɔziro. Wa wée si à bitakeleme, <sup>17</sup> gurɔɔ kè De Luda bèe line à à tó bò. À Luda bita gakuide kòto mà à bè a Né mèn do léle yenzideen à ũ, à yã è káare. <sup>18</sup> Wa kòto kè bò ludambɛɛ pì mà gurɔɔ kè wá kúo kpìii kè à kú adona musu. <sup>19</sup> Beee òðawe kè yã kè annabinɔ ò né yãpurame. À maa à làakari ðo yã pìa fitia kè èe gu búgubugu puu ũ ai gudɔnao sɔsɔne gõ gá fɛe a swèn, le guu ðawa. <sup>20</sup> À kè deńlaa sa àgõ dõ kè gbẽke è fõ à yã kè annabi kè Luda yãn bokõte a zĩndaro. <sup>21</sup> Annabinɔ yãke è bɔ gbẽntee pɔyezi guuro, aõ Luda yã ò lán à Ninii dònne ae nàme.

## 2

### *Egeyadannerino*

<sup>1</sup> Annabi egeeno bò yã Isarailano té. Len egeyadannerino é bɔ a té le se. Aõé egeɛ kè è tó wà kaate ká Luda yadannen, aõ lé sé Dii kè n bózi, aõé n zĩnda kaate kándo. <sup>2</sup> Weé ténzi pari aõ wísai yãkena guu, weé yãpura zé zaa bo aõ yãnze. <sup>3</sup> Aõ wákũkena guu aõé a ble kòn egeɛ kè aõè bleao. Yãkpae vèemma à gí kè, ii è na n Kaateri wéenlo.

<sup>4</sup> Zaake Ludaa e malaika kè aõ durun kènɔ tóro, à n ká kokotewee siaa kè kú gízígízĩ guu, àgõ n kũna ai yãkpaekegurɔ zĩ. <sup>5</sup> Èe anduna zi kòn

a yādarisaidee kè aṣṣ kú à guuno tóro, à tò í dàńla. Mòde à Nuu kè è maakena waazi kee bò kōn gṣṣon swεεplaa pāndenṣ. <sup>6</sup> À yā dà Sṍṍomu kōn Gṣṣoraola à n káate aṣ gṣṣ túbu ũ, à n ké le yā kè eé ludayādarisainṣ lee sèeda ũ. <sup>7</sup> Mòde à Lutu bò, gbē maaa kè à nṣe yàka dokadarisaidee pìnṣ wísaiyākena yānzì. <sup>8</sup> Gbē maaa pì kú n tē, yā zaaa kè èe ee bensṣ èe maa lán guu e dṣṣ nà òa kè à nṣe maa yānzì. <sup>9</sup> Tó lemε, le Dii gbē kè naaziinṣ bṣṣna yṣṣagwana guu zé dṣ, bensṣ à gbē zaaa kūna dṣ le à wéε tāa yākpaekegurṣṣ zī. <sup>10</sup> À pāsīn sa gbē kè aṣṣ kya ká dokannṣ ũ, aṣ mē dà zaaanṣ bé è dṣṣne ae gbāsīkena guu.

Egεyādanneri pìnṣ né kùgbāade wadadeenṣε. Dṣkena kōn malaika gakuideenṣ è n vīa kūro. <sup>11</sup> Malaika kè aṣ gbāa kōn n ikoo de egεyādanneri pìnṣlaanṣ è we wà n tṣ zaaa sí aṣ yā dimma Dii aεro. <sup>12</sup> Gbē pìnṣ è yā kè aṣṣ à gbá dṣroo zaa bomε. Gbēntee bāa bé à dańla, aṣṣ laasuu vīro. Wà n í, le wà n kūkū wà n dedε yānzime. Aṣṣε kaate lán nṣṣonṣ bà, <sup>13</sup> weé à zaaa kè aṣṣ kè fīa bońne. Dàzaakena fāantē è keńne nna. Gurṣṣ kè aṣṣε pṣ bleεao, aṣṣε pṣnnaa ke kōn n pṣnidεnanṣ. Aṣ kuuna a tē né seemε kōn gbāsīo. <sup>14</sup> Zinakena kú n wéεa, durunkena è mórm̄maro. Aṣṣε mṣnafiki ke gbē kè Luda yā e kāsāa péε n guuroonṣε. Wākū n swè blè. Luda lé kēńnεmε. <sup>15</sup> Aṣ sāsā, aṣ kè zé súusua, aṣ zé dṣnkṣ sè kōn Bεṣ né Balamu kè ye ṣṣ zaaazio. <sup>16</sup> Zaaki pṣlegboo'ina yā òne lán gbēntee bà, à kpākēzi à zaakena yā musu, à gine kōn à misaiyākēnao. <sup>17</sup> Gbē beenṣṣ de lán bia kè aṣ í bàbanṣ bàme, lán lousisina kè gè zéla kōn ĩao bà.

Gusia níginigin Ludaa diéíne yàari ũ. <sup>18</sup> Aṣè ãa kori bíta dǎ, aṣè ɔ̀ndɔ̀ ke gbē kè aṣ b̀ò sāsāzen dufunɔ̀ne kɔ̀n dàzaayáo kɔ̀n wísaiyáo. <sup>19</sup> Yá kè è ń yaka zò̀nɔ̀n ń ũ, ben aṣè g̀ona wēenɔ̀n ũ lé gbēíne. Zaake baade píngi né yá kè à à swè̀ blè zò̀me.

<sup>20</sup> Tó aṣ b̀ò anduna yāgbāsīkenan wa Dii wa M̀isiri Yesu Kirisi d̄ona gāzī, ben aṣò tò yá pì èara à ń kagura kè, à ń swè̀ blè, aṣ kuuna zāa zaa de à káakupola. <sup>21</sup> Tó aṣòe yāpura zé d̄o yāro, le beee maaíne de kè aṣò d̄ò gbasa wà kpεε li Luda yá kè wà dà́nɔ̀nɛla. <sup>22</sup> Yáasi kè wà kè k̀enɔ̀ pàpa ń musu yāpura: Gbēe è ɛara a pisizi. Leme d̄o: Alede kè wà à zú ò è ɛara à máemaε botɔ̀ngamme.

### 3

#### *Dii mógurɔ̀ zī*

<sup>1</sup> Ma gbē yenzideenɔ̀, lá plaadee kè má k̀eareen yè. Lá m̀en plaaa p̄nɔ̀ guu píngi ma yá d̄oagu, le à vu iin kɔ̀n laasuu maaame. <sup>2</sup> Má yezi yá kè Luda annabinɔ̀ ò yāanɔ̀ d̄oagu kɔ̀n yá kè wa Dii wa M̀isiri diε a z̄irinɔ̀ne aṣò òareeo. <sup>3</sup> Aḡo d̄o zaa káaku kè gurɔ̀ zāanɔ̀a z̄indapoyezikerinɔ̀ é mó wà a lalandi ke <sup>4</sup> wà be: Èe a m̀ona lé gbēroo? À kú máa? Wa denɔ̀ gà, m̀ode p̄o píngi kú a gbèn zaa lán Luda anduna kàe nàme. <sup>5</sup> Kè Luda yá ò yá à musu kɔ̀n andunao kè, aṣ yá pì kpà swākoto. À t̄ote b̀ò ín, à à kè í pì gāzī, <sup>6</sup> í pì bé à dà anduna káakupola, à à kàate. <sup>7</sup> Luda yá'ona d̄onk̄o pì bé à tò musu kɔ̀n anduna tiaa k̀eo diena té p̄o ũ ai gurɔ̀ kè eé yākpae ke kɔ̀n a yādarisaideenɔ̀, à ń kaate.

<sup>8</sup> Ma gbě yenzideenɔ, àton tó yā kè sãaguro: Gurɔ doo de Diine lán wè wàa sɔɔroo bàme, wè wàa sɔɔro sɔɔ denɛ lán gurɔ doo bàme. <sup>9</sup> Dii mèkpete vī kɔn yā kè à à lé gbè kenao lán gběkenɔ e daa nàro, èe mena keeaome. À yezi gběke kaatero, à yezi gbě sãnda píngi nòse lieme. <sup>10</sup> Dii mógurɔɔ zĩ égɔ de lán kpáí mɔna bàme. Zĩ beea musu é gē zéla bìoo, à pónɔ é té kũ wà pia, tɔte kɔn pó kè kú à guunɔ égɔ kuu dɔro. <sup>11</sup> Zaake pó píngi é kaate le, gbě kparee boriin égɔ de à ũu? À tó a kuuna gɔ adona ludayádarinɔ ũ <sup>12</sup> wéedona à mógurɔɔzi, à aĩa ke gurɔɔ pì ká kpakpaa. Zĩ pìa musu é kaate kɔn téo, à puusu wáaa é à pónɔ yó. <sup>13</sup> Wapinɔ sɔ, wa wéé dɔ ludambe dufu kɔn tɔte dufuozi kè Luda à lé gbèwee. Gwen maakena égɔ kún.

<sup>14</sup> Beee yãzi ma gbě yenzideenɔ, a wéedona gurɔɔ pìzi guu à aĩa ke àgɔ kuu see sai taari sai, àgɔ nna kɔn Ludao. <sup>15</sup> À wa Dii menakena die mìsina ũ, lán wa gbě yenzide Pɔlu takada kèare nà kɔn òndɔɔ kè Luda à gbào. <sup>16</sup> Yã pìnɔn Pɔlu ò takada kè à kènɔ guu píngi. À lá pì gukenɔ dɔrɔ dɔna zĩ'ũ. Wéesiadeenɔ kɔn gbě kè aɔ zena gbãaroonɔ è yã pìnɔ lie kpéegãnda, lán aɔè ke nà kɔn Luda yã takada kpaanɔ. Len aɔè n zĩnda da kaatenan le.

<sup>17</sup> Apinɔ sɔ ma gbě yenzideenɔ, lán á yā pì dɔ nà kò, à làakarì ke, le dokadarisaideenɔ tón a sãsa kɔn n égeero. Àton bɔ a zena gbãaan à léero. <sup>18</sup> Àgɔ gbãa wa Dii wa Mìsiri Yesu Kirisi gběke kɔn à dɔnao guu. Àmbe à gakui vī zaa tia ai gurɔ píngi! Aami.

**Luda yá takada kǝn Bokobaru yǎo**  
**The New Testament and portions of the Old Testament**  
**in the Bokobaru language of Nigeria**

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

---

PDF generated using Haiola and XeLaTeX on 11 Nov 2022 from source files dated 9 Oct 2020

c31548a1-5316-53c2-be42-674e0e4c5ae5